

**“ТАСДИКЛАЙМАН”**  
Алишер Навоий номидаги Тошкент давлат  
ўзбек тили ва адабиёти университети ректори  
Ш.Сирожиiddинов  
\_\_\_\_\_ 2021 й.



**Алишер Навоий номидаги Тошкент давлат ўзбек тили ва адабиёти университети Ўзбек  
адабиёти тарихи ва фольклор кафедраси хузуридаги илмий-тадқиқот марказининг  
НИЗОМИ**

**I. Умумий қоидалар**

1.1. Мумтоз матн: тадқиқот, таржима ва таҳрир илмий-тадқиқот маркази (бундан кейин матнда “Марказ” деб аталади) Алишер Навоий номидаги Тошкент давлат ўзбек тили ва адабиёти университети Кенгаши қарори асосида ташкил этилган, ўз-ўзини бошқарадиган мустақил Марказ бўлиб, ўз фаолиятини амалдаги қонунлар, Ўзбекистон Республикаси Президенти ва Вазирлар Маҳкамаси қарорлари, ОЎМТВ ва университет ректори буйруқлари ҳамда ушбу Низом асосида олиб боради.

1.2. Марказ Ўзбек адабиёти тарихи ва фольклор кафедраси хузурида ташкил этилади.

1.3. Марказ ноюрidik шахс мақомида бўлиб, университетда очилган ҳисоб рақам, думалок муҳр, бурчак штампи ҳамда ўзбек ва инглиз тилларида номи кўрсатилган расмий иш қоғозларига эга бўлади.

1.4. Марказ билан университет ўртасидаги молиявий масалалар университет ички қоидаларига кўра ҳал қилинади.

1.5. Марказнинг почта манзили – 100100, Ўзбекистон Республикаси, Тошкент шаҳри, Яққасарой тумани, Ўқитувчилар кўчаси, 103.

**II. Марказнинг бошқарув асослари ва тизими**

2.1. Марказ университет ректори томонидан тасдиқланган директор томонидан бошқарилади.

2.2. Марказ директори ўз ваколатлари доирасида:

Марказда бажарилиши мажбурий бўлган буйруқлар чиқаради;

Марказга малакали мутахассислар, иқтидорли илмий тадқиқотчи ва талабаларни жалб этади;

Ўзбекистон Республикаси ҳудудида ва хорижий мамлакатларда университет номидан юридик ва жисмоний шахслар билан ҳамкорлик ва хўжалик шартномаларини тузади;

таълим тизимини такомиллаштириш борасида турли халқаро ва республика миқёсидаги кўргазма, конференция, семинар ва бошқа тадбирларда иштирок этади;

халқаро таълим ва илмий муассасалари ҳамда турли жамоат ташкилотлари билан ўзаро манфаатли ҳамкорлик қилади;

университет Кенгаши ва раҳбариятига таклифлар билан чиқади;

Марказ фаолияти ҳақида матбуот ва интернет-сайтлари орқали ахборот таркатади;

Марказ фаолиятига дахлдор масалалар бўйича мажлислар, конференциялар ташкиллаштиради;

илм ва таълимга оид халқаро тадбирлар ташкил қилиш ва ўтказишда иштирок этади;

Марказ фаолияти доирасида қўйилган вазифаларни бажариш мақсадида вақтинчалик меҳнат жамоаси тузади, хорижий мутахассисларни шартнома асосида ишга таклиф қилади;

иктисодий турли соҳаларининг қорхона ва ташкилотлари, муассасалари ходимлари учун пуллик шартнома асосида турли хизматларни бажаради;

Ўзбекистон Республикасининг амалдаги қонунчилиги билан тақиқланмаган ва мазкур Низомга зид бўлмаган бошқа фаолиятларни амалга оширади.

2.3. Марказ университет тасарруфидаги хоналар ва техник воситалардан фойдаланиш ҳуқуқига эга.

2.4. Марказда турли сиёсий партиялар, ижтимоий-сиёсий ва диний ҳаракатлар фаолиятига йўл қўйилмайди.

2.5. Марказда бўлимлар, шўъбалар, лабораториялар, кутубхона ва бошқа илмий тадқиқотлар учун керакли иш жойлари ташкил этилиши мумкин.

### **III. Марказнинг мақсади ва вазифалари**

#### **3.1. Марказнинг мақсади:**

Ўзбек мумтоз ва жаҳид адабиёти намуналарини адабиётшунослик ва матншунослик аспектида тадқиқ қилиб, ўзбек адабиёти материалларини нашр эттириш ва кенг оммалаштириш; ўтмиш шоирларнинг мафкура тақозоси билан қисқартириб чоп қилинган асарлари муқаммал матнларини нашрга тайёрлаш; Алишер Навоий асарлари шарҳлари ва мобил иловаларини яратиш; ўзбек халқ оғзаки ижоди ёдгорликларини фольклоршуносликнинг сўнгги ютуқлари асосида илмий ўрганишдан иборат.

#### **3.2. Марказнинг асосий вазифалари:**

- мумтоз матнларни нашрга тайёрлаш;
- ўзбек мумтоз адабиёти намуналарининг насрий баёни ва шарҳларини яратиш;
- мумтоз матн тадқиқи билан боғлиқ тадқиқотларни таржима қилиш;
- хорижлик олимлар ва ижодкорлар билан ҳамкорликда мумтоз адабиётимиз вакиллари асарларини дунё тилларига таржима қилиш орқали уларни халқаро миқёсда тарғиб этиш;
- мумтоз ижодкорларнинг мафкура тақозоси билан таҳрирга учраб, қисқартирилган асарлари муқаммал нашрларини тайёрлаш ва оммалаштириш;
- шу пайтгача қўлёзма ҳолида қолиб келаётган асарларни жорий имлода нашрга тайёрлаш;
- дастурчи ёрдамида Навоий асарларининг изоҳли луғати мобил иловасини ишлаб чиқиш;
- ўзбек мумтоз адабиёти намоёндалари адабий меросини ўрганишда хорижий фан ва таълим муассасаларининг етакчи олимлари билан ҳамкорлик қилиш;
- хорижлик олимлар билан ҳамкорликда халқаро семинарлар, анжуманлар ташкил этиш;
- хўжалик шартномаларини тузиш.

### **IV. Марказ ва университет ўртасидаги ўзаро муносабатлар**

#### **4.1. Марказ мажбуриятлари:**

- тармоқ ташкилотлари билан ҳамкорлик шартномалари тузиш;
- тармоқ ташкилотларида талабалар амалиётини ташкил этиш;
- тармоқ ташкилотлари билан ҳамкорликда ҳар ўқув йили учун чора-тадбирлар дастурини ишлаб чиқиш;
- иктисодиёт турли соҳаларининг корхона ва ташкилотлари, муассасалари билан хўжалик шартномалари тузиш;
- тармоқ ташкилотларида талабаларни иш билан таъминлашга қаратилган аниқ чоралар кўриш;
- кафедра педагог-ҳодимларига тармоқ ташкилотларда амалий тадқиқотлар учун зарур шароит яратиш;
- Марказ ходимларини моддий рағбатлантириш ва ижтимоий муҳофаза қилиш;
- тадқиқот учун зарур ўқув, услубий ва моддий-техника базасини ташкил этиш;

Ўқитиш ва малака ошириш йўналишлари бўйича зарур ахборот-маълумотлар базасини шакллантириш, таълим жараёнига замонавий инновацион педагогик, мультимедиа ва ахборот-коммуникация технологияларини ишлаб чиқишни ва уларни жорий этишни ташкил этиш.

#### 4.2. Университет мажбуриятлари:

Марказ фаолиятини кафедра илмий фаолият устувор йўналишларидан келиб чиққан ҳолда ташкил этиш;

Марказни ўқув, лаборатория ва бошқа маддий-техник воситалари билан таъминлаш;

Марказнинг ўзига даромад топиши учун зарур шароитларни яратиш;

Марказга гармоқ ташкилотлари муаммоларининг илмий ечимига йўналтирилган илмий ишлар дастурини шакллантиришда кўмак бериш.

### **V. Марказнинг моддий-техник таъминоти**

#### 5.1. Марказнинг молия-хўжалик фаолияти:

хўжалик фаолияти ва шартнома асосида кўрсатилган хизматлардан тушган тушумлар;

маҳаллий ва халқаро ташкилотлар грантлари маблағлари;

юрidik ва жисмоний шахсларнинг, шу жумладан, Ўзбекистон Республикаси норезидентлари, халқаро ташкилотларнинг хомийлик маблағлари ҳисобига шакллантирилади.

5.2. Марказ турли давлат ва жамоат ташкилотлари, тижорат тизимлари ва корхоналар, шу жумладан, чет эл фирмалари билан ўз фаолияти доирасида хўжалик шартномалари тузиши мумкин.

### **VI. Марказнинг халқаро фаолияти**

6.1. Марказ ходимларнинг малакасини ошириш, чет элларда илмий-тадқиқот ишларини олиб бориш, ўзаро тажриба алмашиш ҳамда ташқи иқтисодий фаолиятни амалга ошириш мақсадида халқаро ҳамкорликни амалга ошириш ҳуқуқига эгадир.

### **VII. Якуний қондалар**

7.1. Марказни тугатиш ёки қайта ташкил этиш университет Кенгаши томонидан белгиланган тартибда амалга оширилади.

7.2. Марказ Низоми университет ректори томонидан тасдиқланади